

秦  
川  
焚  
餘  
草

秦川焚餘草卷二

閩縣董平章琴虞撰

雨中獨坐

飯罷渾無事憑誰一破顏  
攤書堪永日閉戶卽深山  
鄰

樹霜中變階苔雨後斑  
卻因念行客車馬幾時閒

時北垣刺

史赴蘭未回

玉泉觀大雅堂歲以重陽祠李杜已約同城諸友

爲登高之會適以國服不果次曼卿韻以志

憾

時奉到康慈皇太后  
哀詔未滿二十七日

仲宣有約共登樓  
顥景思憑彩筆收  
不道白麻頒萬國  
卻教黃菊負三秋  
詩龕俎豆馨誰薦  
道室鐘魚韻自幽  
佳節竟虛觴  
詠樂茱萸未把已生愁

走筆次曼卿雨夜不寐韻

涼宵秋氣肅  
獨坐擁書城  
耿爾一燈影  
倏然萬籟聲  
遙憐之子寂  
共我此時情  
曉起奚奴至  
新詩報又成

重陽之集議展期十日諸同人仍會大雅堂修祠

事再步曼卿韻

烏山南畔范公祠  
又誤登臨一紀期

榕城三山重九登高恆於烏石余自

癸卯里居屈指我輩宜聯文字飲良辰可欠唱酬詩堂  
又閱十二稔矣

開大雅三秋爽節展重陽十日遲也學涪翁修故事菊

觴同奠當椒卮

蜀中大雅堂相傳乃黃山谷所建以祠李杜者

上方羽士伴雲眠去叩丹房碧巘巔猿鳥不驚窺檻外  
江山無恙到尊前異鄉留滯猶爲客勝地追陪合喚仙  
但祝寇平身健在相期萸佩會年年

余性喜菊而寓齋苦無隙地僅於西偏小院雜蒔  
數十本花時移植瓷盆置酒召客賦詩率成二

律爲倡

移栽盆盎菊花新鎮日蕭齋坐臥親  
冒雨傲霜開喜晚  
儷黃嬾白列教勻銀燈照影人同瘦  
斗室圍香秋不貧  
我是辭官陶靖節異鄉賴爾伴閒身

霜信臨風盼到今秋容鑄出滿籬金  
三時重費栽培力  
九月能傳隱逸心插鬢少陵傷晚節  
餐英正則賸清吟  
諸公舊有重陽約家釀同傾快盃簪

後重九都人士集大雅堂邀同祠李杜卽席用壁

閒王子衛淇園山長原韻

山色由來誇點蒼酒徒自昔稱高陽  
青山綠酒不易邁

何況背人白日去堂堂當年李杜悟斯旨醉中歌詠名

益彰後來涪翁在西蜀建堂並祀思不忘茲辰嘉會展

重九恰喜秋日懸清光羣賢畢至少長集振策躡屐神

飛揚登斯堂也景大雅辦香展拜心寫藏徹籛藉聯文

字飲笑語脫畧同蒙莊三年前事憶壬子哦詩曾此傾

壺觴伊人歸去隱王屋葭蒼露白天一方

謂洪園山長斯游

喜復得吟侶

謂我石曼卿

把酒看山聊徜徉方今海內困兵

燹釋耒入堡殊蒼黃安得飛仙度浩劫逢人教佩茱萸

囊綢繆未雨古所訓身雖已退情激昂此邦民氣喜猶

靜不須煽惑虞猖狂今秋西成最豐稔天心仁愛時雨  
暘我爲寓公託茲土蒔鱸觸緒終茫茫登山風急帽防  
落伊余髮短心則長何當南歸載酒泛九曲乞與武夷  
仙君幔亭高宴張

游向家庵次韻

相傳卽香泉寺故址是日  
由菴東步越重岡至玉泉

香積茅新縛香泉薜久封共攜秋士屐來聽梵王鐘寒  
色催黃葉高風慕赤松東尋仙觀路岡阜踏重重

秋冬之交風雨晦冥足不出戶者幾半月偶賦遣

悶

市隱何勞蔣徑開，端居多暇偶銜杯。  
晚菰根美經霜斲，殘菊芽新隔歲栽。  
曾識公卿無夢到，便逢車馬不驚猜。  
連朝風雨誰相過，門巷蕭然長碧苔。

登秦安城南蓬萊閣

高閣俯城闔，登疑物外身。  
四山遙拱隴，一水曲趨秦。  
仙吏遺風渺，文光射斗新。  
閣祠文昌前令吳靄雲重建可讀楹閒長聯不勝人琴之感  
泉何處所吾欲起詩人。

歲暮同易升庵司馬登畫卦臺卽事

客有同幽抱，窮冬訪卦臺。  
振衣尋仄徑，賈勇陟崇隈。  
殷



古虛蘋藻碑昏剔蘚苔瓣香通肸蠁遺像想奇瑰首闡  
先天秘心驚不世才坎離從定位龍馬亦呈材靈蹟空  
山闕神光亙古猜幾人曾一到繫我劇重來峽暗雙流  
東川平萬井開畫痕因雪認石罅激湍洄問主非看竹  
移居欲翦萊言依田舍宿歸騎暝煙催是日過吳生家  
夜宿劉姓莊有  
卜居  
之議

除夜寫懷

爆竹喧聲催比戶燔柴紅焰燭遙天

閩俗架木尺許高  
焚之呼爲燒火爆

介眉滿注屠蘇酒繞膝爭分壓歲錢南國干戈紛處處

北山猿鶴怨年年誰云如願憑人乞爲問歸期竟屢愆  
放言

當軌石先穿出林枝易折高位與要津威權炙手熱當  
未失勢時心心虞蹉跌古有卑棲人避喧甘守拙長懷  
白板扉不羨黃金埒鑑物可保身願言告明哲

舍肉紛佞佛愛酒期學仙顧非金石質而乏清淨緣我  
生墜塵網志道苦不堅纓佩拘厥體簿領汨其天竭來  
賦閒居息影披陳編持此謝仙佛淡泊堪長年

白魚非不神乃爲豫且得紫騮誠自駿未遇孫陽識逢

時出酬知良士無得色湍瀨多驚鱗風林鮮靜翼沈滯  
豈敢辭運會爭通塞去去謝馳驅擊壤歌龍德

二十八郎署四十分州符男兒致身早俗眼爭驚肝胡  
弗善堂構有子劣且愚詎希牛馬走安免豚犬呼二豎  
既爾爾一官殊區區詩成悲又笑吾與漁樵徒

瓶杏漸開喜賦

拂晨起凭几鼻觀忽香交喜顧膽瓶內斜橫文杏梢在  
春意自闌隔宿鬚微苞寄語尋芳侶韶光莫漫拋

久不出山勸駕之言日至賦此以謝

出處何勞季主占名場得失本相兼須防瑟壹絃膠柱  
莫待棋殘子入匱搏虎臂嗤馮婦攘蜚蛇足笑舍人添  
不嫌春夢婆饒舌賸得閒身似子瞻

浮雲蹤迹任東西神與天游物可齊幾輩忘蹄誇得免  
此生斷尾憚爲雞逃名古有之推母偕隱前聞儒仲妻  
獨向急流牢把柂掉頭肯復戀金閨

代壽倪省三

州南阜郊堡人  
南殷孝廉之姪

四座靜無喧聽陳介壽言漢陽占勝地

秦州之南漢書  
亦屬漢陽郡

倪氏數名門文節遙徵宋雲林晚迨元江東瓜衍旋隴

右葛綿根大阮余曾識阿宜叔共論深中推謝密精鑒  
服王渾五事家風紹三兼手澤存高材誇杞梓純孝表  
輜軒族喜羣居睦鄰欽古處敦攻醫良相比績學布衣  
尊載酒時求友含飴更弄孫優游閒杖履頤養舊林園  
序屈朱明盛人欣景物暄南山廣雅什北海啓芳樽亥  
算延齡永壬林錫嘏蕃清賢應續記後起有金昆

春盡日同我石刺史龔蔚林州佐遊七里墩陳氏  
園看牡丹次龔韻

小園近郭互沙隄約伴尋芳散馬蹄九載花時曾幾到

雪鴻不復憶東西

歸思長縈十畝閒舊曾游處意偏嫺浮生富貴應花似  
小草何心更出山

夜過蔚林寓話別卽贈其行

去國難將塊壘消羈愁振觸況春宵與君畧話家山事  
翦卻西窗燭幾條

要令塞北變江南豹起功名定不慚

時回寶豐縣丞任河渠乃其專司聞

極認真

祖武克繩遺愛遠家聲行見振雙驂

君祖海峯先生署篆

中衛僅九月開大清渠一道至今資灌

溉焉雙驂亭乃君家世傳藏書之所

南郭寺古柏斜分三榦南一北二北之西已枯皆  
大逾兩合抱卽杜詩所稱老樹空庭得者真千  
年物也爰用古柏行韻作歌以志其異

南郭寺中有古柏飽蝕雪霜斜挂石生枯入畫管雙揮  
南北壓檐枝百尺勝地滋培不計年空山偃蹇誰爲惜  
詩人舊詠留荒碑邈矣少陵與太白憶昔驅車經山東  
泰安郡訪岱宗宮夏璉殷瑚光溢目秦松漢檜聲摩空  
誰從新甫移嘉卉長向秦川吟烈風積翠蕭森草欲死  
經春黯澹天無功竭來弔古瞻隆棟梵剎翻綠喬木重

三極鼎足劇心驚  
六代霸圖慵目送  
會看化去作蛟螭  
豈屑卑棲尋鸞鳳  
樹猶如此物可齊  
永葆天真在無用

游陳園歸過南郭寺取徑東山頗艱登陟仍次蔚

林韻與我石同作

久負登臨約

謂北垣刺史

斯游快適然陡坡人接武古寺佛

長眠

寺有臥佛像

小啜齋廚茗言觀薜井泉欲捫詩句讀殘

碣臥荒煙

李杜曾游地名區異鑿空參禪依柏樹

趙州和尚云柏樹子亦有佛性

聞梵想花宮意共春歸惜神緣境曠融吟鞭遙指處暮



雲滿城中

書漢書黨錮傳後

虛舟縱觸孰相嗔名盛須防禍與鄰  
蠡起羣材方午午燕居高士但申申  
三思守黑守雌訓一任呼牛呼馬人  
膺密果明老莊意何虞身世不逢辰

藜杖引贈周我石掌教

我石先生介如石歲晚寒梅共標格  
舊剖回中刺郡符近專隴右談經席  
胸懷卓犖忘伎求腰腳健強謝扶掖  
昨宵過我飲蕭齋清言娓娓氣如蜺  
手將新製九節杖

云是親栽三徑藜老蛟蛻骨瘦逾瑩黃龍拔鬚噤不嘶  
我時捧視獨心喜長物妙參物物旨短蒿薄采空共烹  
都蔗雖甘非可倚奇材常處不材閒大用要從無用始  
君不見天祿閣穀城翁青藜丹藜製畧同周行示我導  
先路捷徑輸人指此中卽今無改堅貞節到處相扶衰  
老躬還君杖向君請願得翻爲藜杖引到漑餉遺任昉  
矜杜陵老病章彝憫賢豪末路謝趑趄鄉里小兒成項  
領迺爲之亂曰杖乎杖乎爾何知倘逢俗物漆且規中  
原比歲瀕亂離民有菜色傷阻飢安得鄧林化戟枝撻

滅妖氛無札疵先生夙秉正直姿高年行及杖朝期懸  
錢沽酒勝餐芝看山望月聊支頤會攜鳩飾歸田日記  
取鯽生祝噎詞

大雨竟夕倚枕口占

南冠有客越吟悲況對殘檠夜雨時鴛瓦珠跳聲斷續  
蝸牆荔溼影離披黑雲一角長遮牖急溜三篙暗漲池  
入土最宜滋燕麥

甘省東南農田多藝燕麥

未秋已遣憶鳬葵愁當

人靜眸空炯聽到天明鬢恐絲榆塞十年闌宦興芝山  
在榕城  
之東 萬里誤歸期侵晨擬讀樓頭畫竟夕空敲枕上

詩會挽江河洗兵甲尙傳吳楚滿旌旗

倪氏世德歌

併序

余乞疾解組三年矣倪南殷孝廉時過存問偶  
談祖德述其太高祖思泉先生文正公之從子  
也以蔭爲秦州判官文正殉難燕京忠節凜然  
州佐得甲申三月耗國恤家難義憤幽憂亦抑  
鬱旋卒時寇訐道梗柩眷流寓州南鄉阜郊堡  
泊國朝定鼎遂家焉再傳爲其高曾祖澤寰  
含光兩先生皆樂道躬耕不求聞達有隱君子

風前州牧康熙朝胡公麟徵雍正朝周公聖化  
各贈詩爲壽南殷出詩誦之慨然念明德之後  
必有達人況其爲忠烈循良苗裔耶今南殷享  
大年高世不仕而弟映陽子克家皆有聲庠序  
閒孫承姬輩又具夙慧善屬文他年駟馬門高  
烏衣巷盛世德作求食報正未有艾也因歸前  
詩併附巴唱題曰倪氏世德歌願什襲藏之用  
誌先芬且爲驗余言左券云爾

我昨備員刺秦郡此邦望族褰帷問忠臣廉吏有子孫

倪氏故家馳令聞故家東越積累深宋有文節元雲林  
亦越前明毓文正清通冢宰舉朝欽冢宰推恩及從子  
州佐蔭官判天水民和共誦神君清寇虐時憂王室燬  
天翻地覆陷燕都天官殉節慨捐軀訃至秦川州佐死  
綱常忠孝賴匡扶從此寄孥在秦地一傳再傳得賢嗣  
灌園甘作太平民杖國迭爲仁里瑞楹書重發教佳兒  
浙水松楸繫夢思欲知喬梓耆英德請誦胡周刺史詩  
中閒門第嬪清峻孝廉崛起家聲振先朝弓冶有傳人  
累葉家聲初發軔我識孝廉近十年小迂謂可續清賢

覺世勉人心最苦跨山築堡澤無邊

山巔一堡大而堅且有泉孝廉實倡

重修焉

卽今娛老擅泉石壙篴互奏情和懌歡承子舍好

傳經秀擢孫枝行射策我時解組方養疴故山南望阻  
干戈觸緒茫茫感今古述君世德爲君歌願歸秘作枕  
中寶轉語應撩君絕倒且看後起卜熾昌始悟先幾工  
頌禱

南殷又出其鄉人蔡升元贈其曾伯祖斯皇先生

一律併述先生負壯志擅宏詞逾冠卽食餼於  
庠不遠萬里歸省先塋訪求家譜比旋遇盜落

水竟病悸而卒余聞嘉其志而哀其遇卽次蔡  
韻追紀以詩

譜牒傳家比玉杯多君求向浙江來閒關展墓人稱孝  
弱冠游庠士是才南國未歸心苦戀西湖雖好眼慵開  
綠林豪客何相迫隴越吟魂幾往徊

夢得親友書時長髮賊未平紅鬚匪又起客愁鄉  
思聊述短章

何處問歸期邊城叫子規赤眉傳箭急黃耳附書遲關  
隴愁難越親朋夢尙疑七哀如許續不惜斷吟髭



六月望後一夜看月

菊叢月午暗蛩鳴小院西偏暑氣清故國七千餘里隔

新居二十四回明

下五字借杜句自移新寓歲紀恰兩週矣

繞枝烏鵲棲難

穩噴霧妖葦蝕不成但乞種梅歸荷鋪素娥應鑒此時情

張北垣刺史以卓薦升授曲靖守大府咨留仍權

州篆喜賦呈賀

一麾纔把向方州五馬旋驅按遠郵共喜潁川容借寇  
終愁荆郡失依劉十年舊雨論交密六詔南雲報政優

早結 主知膺薦剡看君遷轉未渠休

尹魯泉大令畢戎游秦恭逢 康慈太后升祔赦

詔免納贖鍰卽復官有贊矣賦呈志喜

三年荏苒及瓜期執手秦川慰所思苦憶戍邊人去日

喜逢

祔廟禮成時詩從北寺吟猶怯

出示獄中述懷  
五言長排百韻

錢向西園入莫遲爲數 熙朝諸將相霜蹄蹶後見權

奇

承聞金山爲楚粵逆匪所踞追念昔游愴然有賦

疏慵謝綦組伏處心廟廊自昨鬪羣盜寰宇疲輸將草

閉亦偷活鼠輩殊陸梁南畿陷相繼瓜潤連維揚更聞

浮玉山再見烽燧光帶版缺誰補

仁廟南巡曾出內府玉補東坡留鎮山

門玉帶二版

碑樓圯可傷艤艫蔽江上羽衛連營望惜哉布

金地淪爲伏莽場憶昔偕計吏窮冬泊丹陽陳劉共游

興

陳英仲同年劉芑川孝廉

一葦江心杭樓臺倚滄波金碧上下相

裴谷曲穿隧

裴公谷卽唐處士得藏金處穴地而入

郭墳低泛觴

山腳小坡陀相

傳爲郭璞墓四面皆水

浮圖淩絕頂一覽窮入荒海門送潮汐天

漢連混茫是時雪初霽萬象森在傍更生有佳句

芑川作長

古起云喝回滕六使倒走還我金山青一阜

歲久心寫藏一官落邊徼十稔

違故鄉歸途限戎馬短翮艱翔翔身世百憂迫如焚增  
激昂安得中冷泉澆此九迴腸

吾宗

戲筆示子

頽也鄧游甘旨覓邵南燕趙顯揚期吾宗前喆皆能孝  
試讀韓文與杜詩

詠五色蝶

一樣仙駒別媚春遠山奪得黛痕勻衣疑吳苑莎香染  
夢入湘江草色新翠袖撲餘迷去影碧紗飛近隱全身  
遙知金谷尋芳日愛煞樓頭欲墜人

綠

桂海曾聞載鬼車漆園重見幻胡胥宿經桑樹飢餐甚  
飛入松林化憶疏墨客吟成偏栩栩甜鄉覺後尙蘧蘧  
蓮香鬢髮光堪鑑照影風前定不如

黑

鳳子渾疑帶宿醺落花成陣襯繽紛仙源翅溼千絲雨  
春殿魂銷一朵雲倦戲娟娟迴茜袖尋香得得傍榴裙  
翩跹莫繞相思樹滿目繁華易夕曛

紅

崢嶸洲上認依稀又逐西風緩緩歸夾道槐花穿不見  
繞籬野菜住還飛蜂媒共褪新交粉鶯侶休捐舊試衣  
一唱王孫金縷曲天涯衰草怨芳菲

黃

白描影本舊偷滕作態隨風弱不勝粉翅相看兼絮失  
玉腰雅有賊花能捉來盧肇肌銷雪化後韓憑魄濯冰  
最是瓊閨憐對舞編衣無語曲闌凭

白

和陳星堂大令謁葛衣先生祠長古

燕師火爇金川門燕子飛來啄皇孫殉難從亡各行是

更驅朝士紛出奔方

孝孺

王

艮

程

濟

葉

希賢

垂

青史

葛

衣作傭者誰氏低首河西寄土司傷心殿下爲天子寒  
暄屢易衣欲穿持舊君服禮則然伏地迎降知幾輩含  
風拜賜憶當年旁人問翁西來意翁也無言惟酸鼻題

詩野店偶忘情焚骨荒原空齋志吁嗟乎疾風勁草古  
所難乃心王室披忠肝葛巾彭澤陶元亮阜帽遼東管  
幼安葛衣先生復何讓千秋祠宇留莊浪祠在莊浪分縣同心  
還結越溪樵貞魂南北遙相望

### 懷衛淇園大令

叔卿乘白鹿歸臥太行春酒盞知長把詩篇見更神青  
氊還舊物絳帳得傳人日暮河西樹臨風合憶秦  
六載秦川夢圖披主客新別饒文字樂忘是宦游身張  
翰知幾早陶潛得趣真應憐阻兵者辭祿未歸閩

## 苦熱行

洮岷入夏常飛雪隴外年來變炎熱微陰三伏驗金藏  
酷暑六時驚火烈火雲天外赤于霞倚鋤揮汗憫田家  
見說澤枯妨藝黍忍言旱久好嘗瓜十年回首春明夢  
喚賣冰聞銅盞弄陶然亭畔葦聲涼十刹海邊荷氣送  
卽今已悟熱中非清簟疏簾晝掩扉亦醉亦醒庸我法  
不巾不襪謝時宜化機人意難窺測寒暄往復何終極  
天津橋聽杜鵑啼地氣從南潛向北

## 七夕詞



銀河案戶明如濯瀟瀟零露觸肌覺誰家瓜果綺筵陳  
幾處樓臺衣桁卓爭言今夕會雙星女伴招攜出畫屏  
蛛盒背人看倍喜鴛鍼向月度還停佳節相沿重荆楚  
黃姑錯認諧河鼓九華燈底定情釵百子池頭連愛縷  
由來宮壺尙私盟何況深閨兒女情天上人閒同此願  
佳期靈匹卜他生旖旎風懷讓年少禪榻鬢絲成一笑  
文翻柳子劇疏狂禪曝阮郎殊兀傲夜闌卻望轉無聊  
畢宿光沈大火昭願將灑淚如傾雨徧潤燃眉欲槁苗  
時方  
苦旱

玉簪花

李夫人蛻後淒絕茂陵思  
玉化搔頭舊花成並蒂奇碧  
叢敷密葉綠柄茁柔枝朵琢  
崑岡璞香分閨苑芝紛紜  
蜂蝶意宛轉鳳鸞儀釵股摹  
惟肖鈿金買豈辭摘同姜  
后脫鞵或宓妃遺萼簇皚皚  
雪鬚擎裊裊絲因風驚珥  
墜浥露貫珠鼎華髮能勝否  
嬌鬢試約宜石皴苔瘦地  
雲破月來時銷夏抽偏爽尋  
芳盍不疑遮須冰縠幔供  
合定窯瓷自愧投簪客瓊琚  
空贈詞

附尹魯泉大令用韻和章

莫便投簪去花前繫我思評金容買笑倚玉漫摘詞  
南國無雙品東風第一枝髻雲慵助態釵鳳競來儀  
季女芳心展天孫寶曆遺凝妝情脈脈抱珥影纍纍  
寵豈搔頭奪香還傳面宜石欄磨角處珠露灌顱時  
滿座朋初盍當歌鬢未絲肌膚銷雪幻世界爛銀疑  
璧合光分月年豐瑞比芝宴游欣拾翠盆植近移資  
宦達抽偏早瓊飛化更奇窗陰圍坐久對飲不應辭  
補鈔胡可泉秦安縣志有感書後

廉吏惟將清白留贏金遺已愧貽謀不知蘭夢全虛者

更爲何人作馬牛

餓虎貪狼吮血忙吏胥自昔爪牙張末流事事翻新樣  
屠伯還看噬虎狼

生死交情一束芻忍看宿草滿黃墟隻雞絮酒難消受  
爲問曹瞞腹痛無

憂旱

碧空市月火雲燒有原竟欲呼石焦肥蠟喜舞魃鬼驕  
乖龍濃睡不可招村氓籲禱攀柳條六街塵蹴紛喧囂  
繫余追暑做綺寮輕紈入夜無停搖願如衛公宿團蕉

得逢龍母借天瓢。乘騎神駿昂紫霄。恣將灑液下界澆。  
澹災布閩蘇。枯苗歸來不復苦。炎歊日承檐溜烹茗鉞。  
爲君翻作甘澤謠。

久旱喜雨卽呈試院諸吟侶索和

側耳猜梧竹。關心憫黍苗。縱嫌遲十日。猶喜徧崇朝。  
密線簾閒織繁珠。瓦上跳膏流。蘇白菊響急。答紅蕉。陡覺  
涼風襲。全教溽暑消。人心知己定。樂意聽同謠。對景蕭  
齋爽。懷人鎖院遙。鳳翔誰續記。佳話託詩瓢。

得雨後綿延三晝夜不止夜坐偶賦

暑退生秋爽庭昏闕夕陰四旬方苦旱一雨竟成霖態  
變炎涼倏機藏燥溼深燈光簾影靜無語伴書蟬

秋宵課讀示子

秋聲蕭槭漏聲遲退宦橫經儼導師數帙光陰消客裏  
一燈況味勝兒時鳶飛別具無邊趣獺祭何勞絕妙辭  
但使木樨香嗅後渙然冰釋復奚疑

敢望述作屬癡兒書味深時俗可醫幾輩才高兼學富  
畢生口誦復心維窮探頓覺微言顯熟視翻令俗字奇  
露白風清宵正永而翁一卷亦忘疲

久聞胡靜菴廣文遺詩甚富頃從西垣茂才借閱

選鈔於原稿之歸也率成書後十絕以代題辭

靜菴名鉞秦安人雍正乙卯拔貢生任高臺司訓

歌行六代律三唐隴右詩人雅擅場除卻松花庵主外

謂狄道吳松厓同時旗鼓孰相當

屬對天然奪化工錦囊日日累奚僮若論萬斛才情富

認取前身陸放翁

全稿不下四五千首對偶特工

古音赴節趣橫生樂府新翻棄婦行傑作端應推壓卷

千秋壯此集觥觥

集中有棄婦行一篇語彌拙而趣彌真不俚不佻大類漢魏遺音式冠全

集允矣大成知詩者當不河漢斯言

新知如故故交新遠道相思入夢頻直以友朋爲性命

果然情種屬騷人

師友睽違時通夢寐足徵交誼之篤云

獺祭樊南得嗣音羅胸萬卷信書淫也將嫉俗忠君意

併託無題咏史吟

先生自謂詩學義山以余觀之集中咏史無題諸篇悉寓憤世憂時之意

實純祖玉谿其類入大官之幕半生蹤迹亦殊酷肖也

百篇律古韻鏗鏘狡獪文人具別腸直覺眼中無庾鮑

居然腕底有齊梁

集中律古及律晉宋魏齊詩各數十首以古詩爲五律真可謂得未曾有

生面別開矣同時吳松厓亦共爲之異曲同工具徵才藻



夕陽微雨數聯詩  
膾炙詞林彼一時  
爲想蓉裳操選政

定局全豹未教窺

余姻楊蓉裳員外序稱微雨渡頭歇夕陽山外多爲佳句其集僅四卷因

疑後嗣懲于二南遺音之借刻他氏秘不以全稿示李元方吳小松故致選者有遺珠之憾

垂老空酬苜蓿盤  
文章憎命掇科難  
生前已並詩人駕

論定無須待蓋棺

時如王芥子廉訪宋蒙泉觀察及孫有功太史劉九畹鴻博生當並世皆

以詩人相推許

驚人句想幾推敲  
割愛幾難一首拋  
賸馥殘膏許沾丐

不辭腕脫手親鈔

余所鈔較楊選多數倍

豈有達官眞愛才

集中

讀君舊句我猶吟  
誰知八十餘

年後翻得憐才退宦來

余于丙辰歲鈔詩怡符先生肇始存詩之歲甲子適兩週而距

先生辛卯歿年已八十六春秋矣

向鄰叟乞得秋海棠兩盆喜賦

花開思婦豔無倫漫學微生乞向鄰雙盞移根翻作態

三秋感氣怨含顰人當憔悴疑同病

時余方染小恙

葉太癡肥

失遠神

枝高葉大殊欠楚楚

又被連朝風雨妒未容長此伴閒身

昨秋吟句憶料不厭貧家地已牆陰得花偏夏後賒根

芽苔篆蝕風露菊叢遮明歲滋培力西軒定絢霞

中秋陰雨宵分不止幼女雛孫輩勉陳瓜果於屋

內拜月率紀以詩

去歲中秋月猶從雨後看今年連夕雨欲見月升難  
河漢渾無色庭階那得乾劇憐小兒女展拜避重欄

余生殊愛月對影況清秋京國身曾客江亭境最幽  
素心聯遠步良夜豁吟眸

初宦京日嘗夏夜與郭遠堂太史步月直抵陶然亭久坐始歸

此景渾如昨飄蓬又隴頭

隴外秦時月相看倍有情不知今夜雨可得一方晴  
萬里鄉書滯三更旅思生多愁兼善病坐久怯前楹

雨坐

漠漠復瀟瀟秋光倩雨描雁行渾不整人意共無聊短  
日黃昏易深杯白墮饒呼誰同取醉天末怨飄飄

新秋寫懷

肯綮獨處託良媒爨下桐焦分棄材放浪形骸容我懶  
鬱紆懷抱向誰開十年儻得詩千首萬事無過酒一杯  
僂指風騷例淪落秋光蕭瑟罷登臺

砧杵聲偏向夕邁強扶殘醉試登樓雁來霜緊迢迢信  
木脫江波渺渺愁宦興久拚強弩末鄉心遠逐大刀頭  
小山叢桂空招隱關塞飄零又一秋

秋至驚看客裏身不農不賈困風塵好尋跂石眠雲地  
長作吞花臥酒人天外鶴歸時自舞階除蛩語鎮相親  
法華一卷閒繙閱心似南冠祝去秦

秦川頻歲滯萍蓬物態人情惱乃公南渡仲宣逢楚老  
西征子美狎巴童到眼菊叢非故國關心蓴菜恰秋風  
閒愁咄咄渾難訴負手前庭看遠空

妻病自投藥而愈喜賦

盡室之官二十年中閨式好了無愆米鹽淩雜成吾懶  
門戶支持賴爾賢老態雙歸菱鏡漸病魔長守藥鑪堅

河魚腹疾原虛語幻作沈疴久弗蠲

腹痛下垢膩極多醫以爲痢余察其

虛而受補疑係腸癰投以蠟礬丸果愈

宵來正喜對蟾圓又被秋風攪食眠舉世肱難三折覓  
多時腸已九迴牽懷歸桑梓愁無路卻病參苓覺有權  
辟穀應能依淨域問渠何尙滯生天

調其素不多食兼持齋也

節近重陽畦菊甫蓓蕾詩以促之

又是蟹寒蝶瘦時黃花開較去年遲晚香有約尋三徑  
霜信無多逗一籬準擬滿頭烏帽插安排左手蟹螯持  
漫誇羯鼓催春苑判斷秋光仗小詩

詩成小立費疑猜  
記向殘春手自栽  
冒雨幾曾重九誤  
循畦更與再三催  
便應正則勤餐餌  
莫遣泉明待泛杯  
剛祝早開還恐落  
園林從此少花開

秋陰

戲效胡靜菴拈雙韻格 按全唐詩有章碣  
一律題曰變體且係七言不知先生何本改

稱雙

韻也

醞釀層陰久涼秋  
積氣豪風過餘谷  
吼雲合失天高懷  
抱如中酒詩篇欲  
反騷更從搖落後  
遠道念同袍

重陽紀事戲呈張北垣太守及諸同人

景物四時好惟秋  
氣最清衰柳變微  
黃宿麥浮遠青仰

視天宇高征鴻時一鳴遠客方懷歸對此若爲情側聞  
賢太守重九宴賓朋南郭古名刹高攜蠟屐登又聞天  
靖山濟濟集簪纓宏開大雅堂詩酒祀雙星鄙夫色然  
喜欲往心怵怵勞幸簿書免情乃妻子攬妻呻子吟併  
醫藥日經營游興竟索然枯坐愁伶俜侵晨起四望風  
雨忽滿城不怨催租阻反尼載酒行向隅竟無苦天心  
何其平紀以俚言詩慎勿嗤荒僞

次我石山長九日感懷元韻

佳日登臨事已賒籬東猶欠傲霜花自憐按拍歌紅雪



適閱馮晏海所著紅雪詞鈔

誰共飛觴醉紫霞  
嘹唳遠空過斷雁  
惆

歎古木集昏鴉  
騎人也作投林想  
獨對西風苦憶家

庭院驚秋葉亂零  
新寒惻惻透疏櫺  
久依紫塞頭將白  
偶對黃花眼倍青  
江左烽煙連戰壘  
閩南舊雨數晨星  
閒關儻遂歸田願  
道故拚傾十斛醺

次韻奉酬魯泉大令惠答重陽紀事卽以代柬之  
作

精藍古南郭近在城東南  
廢塔蘸清泉叢林圍翠巒  
五載牧茲州攜客時躋攀  
紀游鬪新句酬唱情彌酣  
一昨

浩解組息游慵停驂今年得吟侶看花逢春三歸途過  
蕭寺日暮行吟還周侯老益壯濟勝非空談龔子亦能  
詩禪理靜中含今春周龔同游皆蔚林詩先成茲辰值重九惡抱殊難  
堪妻孥病實甚不出情豈甘坐令風雨中悵望秋城嵐  
詰朝會開霽勝境同君探腰腳如舊頑登陟良匪艱爲  
我報使君簿領偷餘閒慎勿被山靈三度扃雲關北垣太守  
再約游山皆遇雨不果

雨夕不寐

寒雨滿秋城瀟瀟到五更階除紛滴瀝枕上倍分明遠

夢驚心杳閒愁似髮生抽刀思併斷晨起快新晴

自歎

仕隱憑誰決策良天時人事兩茫茫功名幾輩雲龍逐  
蹤迹頻年霧豹藏敢謂強臺連甲第微聞畏壘祝庚桑  
首邱總繫歸山念肯把桐鄉換故鄉

紛傳猿鶴盼歸來鍾阜移文旦晚催海內騷然方嘯聚  
先生休矣莫徘徊連天芳草經秋綠半嶺寒梅待雪開  
話到江南好風景蘭成未賦意先哀

我石魯泉各用秋懷韻詠試院較藝事見示再疊

奉和

因緣文字不須媒匠石門中鮮棄材久被藝林時雨化  
更逢棘院早秋開巨公巨眼懸金鑑多士多能富玉杯  
便向秦川留韻事何勞市駿羨燕臺

文陣雄驍筆陣迥才高五鳳競修樓連城壁在應無價  
照夜珠來自不愁落未孫山真驥尾老如梁灝也龍頭  
謂老童三千已選脫囊穎九萬行看運海秋

胡某衆仙同是大羅身前輩風流接後塵紅勒帛因裁僞體  
鬱輪袍任唱儉人持衡太守頭頻點共硯諸公意倍親

寄語紛紛門外漢揣摩好自學蘇秦

浮蹤愧我似飄蓬退食頻年免自公校士未遑隨杖履  
擊蒙祇爲課兒童傾家釀美思今雨疊韻詩多拜下風  
剗竅吟餘投筆笑煙雲過眼總成空

魯泉大令又次前韻爲無題四什屬和三疊呈答  
併引

秋色將老余情信芳素不解爲豔體詩忽相投  
以無題什在君子羌無故實偶寄閒情豈鄙  
全沒心肝不思學步遄飛逸興幻將蜃氣樓臺

務去陳言託以蛾眉謠詠韻經三疊險比羊膠  
詩和四章續真狗尾楊枝曲譜作者原絕少癡  
情藥轉吟賡達人慎勿嗤綺語

佳人怨絕鳩爲媒枉把琴心託下材南浦淩波腰佩解  
西廂待月角門開新興髻樣催臨鏡舊褪鞋兒泥作杯  
一覺乍醒蝴蝶夢千秋空羨鳳凰臺

秦箏罷擗韻清迢獨對銀缸掩翠樓忍俊不禁徒好色  
低徊無那劇工愁華亭信竟虛黃耳蜀道吟空續白頭  
可惜韶光拋逝水傷春未了又悲秋

泡影繁華夢幻身不堪回首認前塵半生隱忍心中事  
千里分明眼底人紅拂從來推有識黃衫畢竟有何親  
倚聲爲譜家山念好倩嬌娥唱憶秦

膏沐無心理鬢蓬去聽說法禮生公姻緣到底須情種  
天壤何期有狡童我悵墜歡尋草露人言雅度擅林風  
詩成儻被登徒見肯信禪機色本空

天水觀魚

浮生游衍亦前定朝來忽動濠梁興攜將童冠雨三人  
任郭二生去踏城南秋柳徑城南五里天水池方塘半  
及莊兒

畝碧漣漪魚若游空清可數人如觀化樂誰知問人樂  
那能魚及鱗鬣洋洋頭戢戢有時石罅啜苔行無數波  
心爭俱集倚欄坐久夕煙生好景吟看畫不成貪茲雲  
水徘徊地觸我江湖浩蕩情

梔馬久不乘騎頗失馴性是日過藉河驚逸幾墜  
於水戲吟志警

劣騎失馳驅臨河試一呼爭如牛背穩幾及鴨頭濡跬  
步皆銜轂中流孰授壺垂堂猶不坐古訓勸輕軀

矩兒病亟口占



尋常衆口誚癡兒不道癡兒抵死癡孤負母憐妻更痛  
可知子逆父猶慈兼旬調護眠和食兩月經營藥與醫  
舐犢增吾前事感少年多病累親時

次韻余子佩大令寄懷卽代答柬

識君逾十年交深淡如水蘭皋憶聯吟巴唱續貂尾無  
何宦轍東秦川並筮仕君本緊望才仙舟復移艤隴上  
望酒泉相思隔千里

余移天水子佩亦回禮  
邑任旋復調補張掖

我負違俗

妾君悟急流旨後先同引疾懸車訓秉禮造謗斯世情  
福善彼蒼理遑暇恤人言相將行吾是

君以外閒籍籍  
咸謂我兩人臆

滿腸肥告余余戲舉關西況君肯堂構鳳毛悉濟美卽  
四知之言答之因共撫掌

今兩當宰白眉尤令子試問行路人皆云頌聲起時就養其

次子季佩  
兩當署

繫余爲寓公舊治三年居責子學彭澤無成空課書所  
貴備甘旨心舒味始腴母亦日思歸樹護安足娛錦衣  
夜行語今古同軒渠坐此百爲廢把卷長掩廬偶復託  
吟詠差喜多詩癰一昨耶君來過訪投雙魚開緘讀君  
詩滿志而踟躕邯鄲勉學步終覺搜腸虛拋玉徒引甄  
我智君則愚

偶閱史閣部軼事感賦

閣部孤忠萬古誇當年淮甸建高牙小朝廷豈中興望  
大將軍還左相加劃汎移營屯虎豹連宵草檄走龍蛇  
答書抗節名王重拜表長征義士嘉才似萬侯空入幕  
奸如馬阮尙含沙調停中外心良苦保障東南事已賒  
四鎮棘門兒戲耳一坏梅嶺魄藏耶恰同信國嗟予季  
南北枝開冷暖花南枝向暖北枝寒昔人弔文丞相弟  
璧句也閣部有一弟亦先歸順本  
朝事絕相類不獨公  
母之夢文山再世也

病中

病中靜課細商量晝坐宵眠兩不妨默誦元言參奧旨  
自繙素問揀靈方天邊雁過時敲枕窗隙蟾窺每近牀  
打疊心身銷萬慮渾忘人世有閒忙

臥病口號

履薄與臨深平生慎疾心三尸誰復守二豎忽相侵寒  
熱爭冰炭朝晡戀枕衾恐傷慈母意伏榻制呻吟

子佩以余和什詩註有關西四知之語復感賦一  
律見寄再次其韻

行藏何必索人知信步天涯聽所之雪後鴻飛餘爪印

霧中豹隱任斑窺易占艮止爻堪玩風詠衡棲語不欺  
惆悵欲歸歸未得滿腔鄉思付新詩

前詩意有未盡復疊二首

厠身風雅我何知前哲儀型想見之最愛地能壺裏縮  
自慚天向井中窺機心息處期求是綺語刪餘爲戒欺  
安得與公數晨夕不談時事祇談詩

舊雨重逢喜可知姑將懷抱妄言之閱多世故吾幾喪  
淡到名心衆豈窺此樂未容兒輩覺平生甘受古人欺  
讀書有味聊忘老私淑長欽陸子詩

歲晚戲傲梅聖俞純仄體

歲晚屏俗務卻埽致足樂索婦得斗酒入室恣獨酌幸  
免見獵喜頗憶把釣約笠屐任放曠組紱謝束縛遯古  
一瞬息大道一橐籥獲落乃所願樹櫟向廣莫

北垣太守以園丁所輸白菜分餉賦謝

久嫌肉食謝戎冠託此邦居去住難尙遣園官供菜把  
眞慚處士累猪肝霜根淨斲蓬蒿圃風味甘逾苜蓿盤  
太守愛民少饑色寓公含笑爲加餐

除夜

除夜尊前笑語譁  
圍鑪坐久斗初斜  
閒身恍忘藏隍鹿  
殘歲眞看赴壑蛇  
世事桃符新亦暫  
人情臘酒薄堪嗟  
三年一例成新詠  
爲報羈人苦憶家

新春試筆

鍵戶習疏慵  
蕭然過一冬  
久嫌詩思澀  
半坐旅愁濃  
清渭融寒凌  
春山逗冶容  
別饒塵外賞  
還向筆端逢

代柬呈魯泉大令

人生殊疆域  
各囿醯雞甕  
並驅向宦途  
巧被天公弄  
泛梗與搏沙  
聚散迭爲用  
憶昨初重逢  
心憂難久從  
不圖

半載餘復此一尊共入春未十日別意已潛動我曾升  
斗沾君合瑚璉貢祿養有同心爲貧乞清俸勿學憚爲  
犧行見起鳴鳳出處蹤雖殊分攜情倍重不有促膝談  
襟抱何由送豫成祖道詩恍入懷人夢

贈周昭甫廣文

名于度會甯廩生  
丁巳權秦州司訓

桃花山秀毓賢豪

謂其叔蓮  
峰孝廉

小阮承家見鳳毛把酒論

文心獨細挑燈讀畫眼能高冷官豈足羈才士上第行  
看冠俊髦一接塵談倍傾倒從今說項敢辭勞

偶閱史傳載傅永上馬殺賊下馬草露布之事率



詠三絕以志景行

據鞍輒奏擒王績磨盾還工獻捷詞  
武士劍鋒文士筆千秋誰似傅修期

揮戈氣壯曾迴日草檄文奇亦愈風  
終讓快人兼快事能於上下馬稱雄

北魏南齊擾攘秋將軍百戰老方休  
卽今誰續無雙譜振古應推第一流

送北垣太守之官曲靖府

初向風塵識懸占火色騰

初到蘭余一見卽許其必遠大

十年官易達

三錫秩頻增仕路差相似

先後同任  
蘭宰秦牧

交情得未曾卽今

殊出處惜別話殘燈

宦轍繩前武渙東昔副藩遙知耆舊輩爭識使君孫

君祖

曾任迤東道曲  
靖其所屬也

察吏廉聲繼傳家治譜存加餐慈母意

更喜獄平反

行色西風裏雙旌擁畫輅秋聲蟬嘒嘒別意馬蕭蕭六

詔傳烽急

時滇已  
有鴟警

三巴置驛遙徵清憑攬轡報政聽還

朝

時湘黔阻賊郵  
遞改由兩川

隴外相依久形骸兩覺忘辭官容我懶作郡送人忙戎

馬氛方惡薊鱸計亦良期君宦成日卜築傍珂鄉

疏慵日甚病亦隨之感賦

因閒得病倩誰醫行藥階除欲步遲血氣動憐衣帶緩  
形容悴怯鏡奩窺客來乞贈王維畫瘡去思吟杜甫詩  
拚屏人閒煙火氣誤儂自笑學仙癡

雨後同北垣太守南湖觀荷賦呈

一雨竟騎月門徑封蘚苔晨興喜開霽剌啄聲驚猜奚  
僮走相報石城太守來

曲靖古  
石城地

幅巾屏騶從清談坐忘

疲爲言南湖濱被陂荷盛開相將出重闔信步循城隈

遙聞送香氣小立當涼颺後先閱塘沼應接無暇時紅  
英妒舞袂碧筩思傳杯亭亭冒綠水灼灼辭纖埃清游  
意共適感舊情忽移憶驅薄笨車君里曾旅羈心愛大  
明湖風荷爭弄姿此時六月中載酒涼可追何當理烏  
榜千頃凌漣漪空言聊發噉飛夢誰爲媒行將隔千里  
夜月空徘徊

髡柳

柳星天罰作髡囚無復清陰映畫樓榦古宜棲填漢鵲  
枝空時噪在梁鷺桓溫舊有衰翁感張緒新從衲子游

好待東風披拂後重看散髮向滄洲

瘦楓

霜染楓林豔勝春脂香凝結瘦陳陳吳江冷後森靈鬼  
玉露凋餘孕短人鼃錯停車同素蘊賈逵挂笏傍丹宸  
柳瓢倘許敲相和一曲歌酬蜀錦新

瘦梅

東閣梅精恨不窮慙慙瘦損月明中肥緣得雪花猶孕  
笑索巡檐榦已空和靖肩疑吟後削壽陽額遜點時豐  
天寒合倩癰仙守標格峻峭顧影同

醉竹

稚竹移栽左右修頭銜新錫醉鄉侯獨醒偶拂平泉石  
引滿頻傳嶰谷籌臂把晉賢林共入舄交齊贅客初留  
解醒賴有三霄露聽報平安爲覆甌

承閔邸抄粵逆由江右入閩連破邵武光澤郡縣  
延建悉被圍烽燧所連榕垣驚擾矣桑梓繫懷  
率成三律志慨

鄉書沈滯動經年故國愁看殺運連閩壁掃除知盡否  
聞會匪渠魁尙  
未殲擒淨盡  
粵蠻剽掠又騷然武夷山外飛燐火黯

淡灘頭阻估船倦客便饒賦歸去也應蕪廢舊原田

黃巾左道勢鴟張烽警虛傳陷豫章文吏便文規免脫

武臣不武愧鷹揚劒津西上郵亭閉楓嶺秋深戰壘荒

賴有死綏諸守土好標忠節壯旂常

督糧道邵武守令及佐光澤建安兩

邑宰先後皆以殉難聞

無諸城郭鞏千秋福地由來數福州祇恐重逢唐世亂  
不勝遙抱杞人憂榴花古洞樵風便桑苧名園泌水幽  
勝境倘容鋤草莽閒身長願守松楸

得衛淇園大令書述返里後納妾生女而自以爲

可笑因寄數絕以調之

昨朝尺一枉蓬廬心喜先生道不孤  
紙尾更傳新韻事  
白頭司馬擁清娛

老子登樓無淺興佳人傾國有殊姿  
不知金屋營成日  
賦得催妝幾首詩

日染霜髭匪自今而今攬鏡倍情深  
多應陸展嘲難解  
誰信原無貢媚心

宦游儻復向熙河好載陽臺暇聽歌  
僥倖若蘭已黃土  
不教悔過累連波



絳帳扶風笑濫觴  
笙歌騰沸又門牆  
舊時桃李如修謁  
可許彭宣到後堂

嬌癡應解覓銀魚  
生女良堪慰索居  
蘭夢重占須報我  
還拈鬪語博軒渠

夏苦久雨入秋暑  
熱彌甚夜不成寐  
倚枕口占  
商飈潛欲動溽暑未全收  
一雨忘三伏餘炎畏早秋  
輕紈宵在手清簟日科頭  
觸熱長安客權門刺正投

北垣太守瀕行以玉簪花一盆留贈喜賦呈謝

舉世譽牡丹余生獨耽菊  
呼爲耐久朋手植看不足  
熊

魚有偏嗜隴蜀多貪心復於秋卉中兼愛白玉簪佼佼  
姿出塵皚皚色疑雪香奪谷蘭清品逾江梅潔李夫人  
蛻後淒絕茂陵思自作投簪客三年成一詩今朝拂晨  
起忽報昇花至南甯賢太守曲靖古南甯郡地臨歧申別意豈  
無千金劍亦有五花騅物貴投所好爰占盍勿疑是時  
花正開移盍兼黃蝶欲報無瓊琚吟當陽關疊送君向  
牂牁別後若爲情釵敲對紅燭靜夜計征程

昨過昭甫廣文齋頭見銅觚一事質重猶凡望而  
知爲僞作戲成二絕見意願持質精於鑒古者

圖披博古久猶新款識斑斕妙入神不見從來名下士  
亂頭粗服自天真

徵信惟傳石鼓歌周秦法物半消磨盜名牟利一邱貉  
莫怪人閒贗鼎多

秦川焚餘草卷二終